



BABHTA COIMISIÚNAITHE Earrach 2021

- 5pm Dé Luain an 17 Bealtaine 2021 an sprioc-am d'iarraais chuig TG4.

Fáilteoidh TG4 roimh iarraais ón earnáil léiriúcháin neamhspleách chun cláracha aonair agus/nó sraitheanna a sholáthar do chlársceideal TG4 faoi na réimsí atá sonraithe thíos. Fáilteofar roimh smaointí do chláracha atá tráthúil agus a bheidh ina seoda sa sceideal mar aon le cláracha / sraitheanna nach dtagann faoi mholtaí ollsoláthair.

De réir mar atá tírdhreach na craoltóireachta ag éirí níos scoilte, tá aitheantas bainte amach ag TG4 as nuálaíocht, físiúlacht, cruthaíocht agus thar rud ar bith eile láidreacht na scéalaíochta atá mar bhunús gach réimse cláir. Tá súil ag TG4 oibriú i gcomhpháirt leis na léiritheoirí agus na cruthaitheoirí teilifíse is fearr dá bhfuil ann chun go mbeidh muintir na hÉireann ag cruthú scéalta atá gaelach, eisíoch agus físiúil do mhuintir na hÉireann. Is deis í seo do léiritheoirí nach bhfuil sé i gceist acu iarraais a dhéanamh ar ollsoláthar léirithe a bheidh lárnach sa chomhpháirtíocht seo ar shraitheanna / cláracha aonair amháin.

GNÉITHE INGHLACTHA SA BHABHTA:

1. Fíorasach & Siamsaíocht Croílucht féachana

Sraith de chláracha siamsaíochta nó faisnéise shiamsúil 25' nó 50' – tá béim go háirithe sa mbabhta seo ar sraitheanna siamsúla don chroíphobal, le scéalta láidre, téamaí comhaimseartha a thugann léargas dúinn ar dhuine, teaghlach, grúpa nó gairm. Fáilteofar roimh scéalta a bhaineann leis an nádúr, athrú aeráide, cúrsaí timpeallachta, tomhaltóirí (consumerism), faisean, tithíocht, tógáil clainne, nó meascán de sheánraí.

An chéad am craolta: Lá i rith na seachtaine, 8pm nó 8.30pm.

Formáid: Cláracha/ sraitheanna siamsaíochta/sraitheanna faisnéise nó cláracha/, 25' nó 50' ar fad.

Lucht Féachana: Croílucht Féachana.

2. Ábhar do lucht féachana faoi F35

Táimid sa tóir ar ábhar úr, siamsúil, nuálach agus ábhartha do sceideal líneach agus digiteach TG4 a thabharfaidh spreagadh agus deis éalaithe do lucht féachana níos óige (faoi 35). Sraitheanna go príomha atá á lorg againn idir siamsaíocht fhíorasach, ghreann, shraitheanna faisnéise, agus eile a mheallfaidh an sprioclucht féachana sin. Tá muid ag iarraidh scéalta agus smaointe físiúla, croíúla agus cruthaitheacha a thugann léargas ar an taithí saoil, ábhar spéise agus paisin atá ag an sprioclucht féachana. Tá daoine cumasacha nua den scoth ar an scáileán

ríthábhachtach. Bí dána, bí spráúil, bí cróga agus bain gáire asainn! Tá deiseanna maoinithe forbartha ar fáil don réimse seo freisin.

An chéad am craolta: Sliotáin éagsúla sa Sceideal Líneach, Seinnteoir & Ardáin Dhigiteacha TG4

Formáid: Sraitheanna siamsaíochta, faisnéise, saolchláir, greann agus eile. 25 nóiméad ar fad nó níos giorra ag brath ar an ardán.

Lucht Féachana: Daoine fásta faoi 40

3. Fíorasach Náisiúnta

Faisnéis aonair uair an chloig nó sraith faisnéise ina léirítear scéal láidir, tábhachtach agus atá feiliúnach do phríomhsceideal TG4. Is féidir le scéalta súil ghéar a chaitheamh ar shaol na hÉireann trí bhreathnóireacht nó trí mheascán de mhodhanna scéalaíochta agus athchruthaíochta. Cuirfear fáilte faoi leith roimh scéalta a bhaineann leis na réimsí seo - sláinte, spóirt, saol clainne, coiriúlacht, scéalta ban, próifíl agus go leor eile a mheallfaidh an lucht féachana is leithne. Tá deis anseo cláracha fíorasacha aonair a sholáthar do TG4 a bheidh ina seoda sa sceideal, a bhainfidh gradaim amach agus a sheasfaidh amach ina seoda faisnéise aonair.

An chéad am craolta: Dé Céadaoin, 9.30pm

Formáid: Sraith de chláracha faisnéise láidre, tarraingteacha 50 nóiméad ar fad.

Lucht Féachana: Náisiúnta

4. Fíorasach siamsúil Náisiúnta

Is féidir leis an gclár a bheith i bhformáid fhíorasach nó ina shraith bhreathnaitheach, nó ina shainshraith fhíorasach más sraith í a bheidh siamsúil agus uailmhianach! Bíonn iomaíocht mhór ann don chraoladh a bhíonn ann oíche Déardaoin @ 9:30pm agus mar sin ní mór don tsraith a bheith bainteach le saol na linne, ábhartha, dúshlánach agus conspóideach in amanna. Ní mór dó a bheith croíúil agus siamsúil agus go mbeadh sé nádúrtha.

An chéad am craolta: Déardaoin, 9.30pm

Formáid: Sraith de chláracha shiamsaíochta fhíorasacha láidre, tarraingteacha 50 nóiméad ar fad.

Lucht Féachana: Náisiúnta

5. Siamsaíocht Cheoil Thraidisiúnta

Sraith cláracha agus / nó cláracha aonair uair an chloig ar fad, idir fhaisnéis agus thaibhsiú an cheoil a chruthaíonn ardáin agus cóiriú nua don cheol agus don amhránaíocht thraidisiúnta agus a dhéanann ceiliúradh ar shaibhreas ár n-ealaíon dúchasach. Is féidir réimse an cheoil a mheascadh le réimsí eile faisnéise, m.sh: cláracha taistil ceoil, beathfhaisnéise agus ceol a bheidh feiliúnach le craoladh sa phríomhsceideal ceoil Dé Domhnaigh ag 21.30 agus mar chlár aonair, speisialta um Nollag/Cáisc nó mar chomóradh ar amanna nó ócáidí faoi leith sa bhliain.

An chéad am craolta: Dé Domhnaigh, 9.30pm.

Formáid: Sraith de chláracha 50 nóiméad ar fad.

Lucht Féachana: Náisiúnta

6. Siamsaíocht Cheoil NACH Ceol Traidisiúnta é

An chéad am craolta: Lá i rith na seachtaine, 9.30pm.

Oibríonn cláracha ceol tíre go hiontach dúinn agus iarrtar oraibh smaoineamh ar an gcineál seo ceoil arís ACH fáiltíonn muid roimh cheol eile freisin atá aitheanta go forleathan sa tír.

Formáid: Sraith de chláracha 25 nó 50 nóiméad ar fad a d'fhéadfadh a bheith ina meascán d'fhormáidí.

Formáid: Sraith cláracha 25 nó 50 nóiméad ar fad nach gá a bheith i bhformáid ceolchoirme. Cuirfear fáilte roimh fhormáidí eile.

Lucht Féachana: Náisiúnta.



7. Siamsaíocht do Pháistí (páistí réamhscoile nó 6-12 bhliain).

Fáilteoimid roimh iarratais ar ábhar beo-ghnímh (live action) ina mbeidh páistí nó láithreoirí cumasacha óga a mheallfaidh an lucht féachana ar an scáileán. Ábhar tarraingteach agus siamsúil, a spreagann fiosracht agus foghlaim, ach a bhfuil féith an ghrinn ag baint leo.

Lucht féachana luath bunscoile (5-7 mbliana)

Lucht féachana réamhscoile, faoi 5 bliana

Lucht féachana bunscoile (8-12 bhliain)

I gcás sraitheanna atá á bhforbairt, is fiú míreanna nó eilimintí a d'fhéadfaí a úsáid tras-ardán a bheith san áireamh.

An chéad am craolta: Lá i rith na seachtaine.

Formáid: Sraith de chláracha, fad éagsúil.

Lucht Féachana: Páistí, Croílucht féachana

Ba chóir gach iarratas ar choimisiúnú a theacht chugainn tríd an gcóras ríomh-choimisiúnaithe mar cheangaltán [pdf](#) agus an buiséad (teimpléid TG4) mar cheangaltán excel. Ní dhéanfar iarratas nach bhfuil buiséad leis a mheas.

NB: Ní dhéanfar d'iarratas a mheas mura mbeidh na nithe seo san áireamh.

Ní mór na nithe seo a leanas a bheith san áireamh i ngach iarratas.

- Achoimre chruthaitheach faoin gclár nó faoin tsraith.
- Buiséad agus plan airgid ar theimpléad buiséid TG4.
- Léiritheoir & Stiúrthóir luaithe chomh maith leis an bpríomhfhoireann a bheidh taobh thiar den cheamara.
- Cur chuige físiúil ón stiúrthóir
- Moltaí maidir le tallann/rannpháirtithe atá le bheith ar an scáileáin
- Sprioclucht féachana TG4 agus an sprioc-am craolta.
- Plan nó sceideal léiriúcháin
- Moltaí samplach a léiriú do cheangail ilmheáin eile (idirlíon/meáin shóisialta/raidíó
- Plan Margaíochta trasardáin
- Caiteachas/forbairt/fostaíocht sna réigiúin

Ní mór na hiarratais a chur isteach go leictreonach. Mura bhfuil an comhlacht cláraithe, caithfear clárú ar dtús ar an suíomh eCoimisiúin <https://ecomm.tg4.ie> agus an t-iarratas a uaslódáil roimh an sprioc-am tríd an rogha, 'Babhta Coimisiúnaithe Earrach 2021', ón roghchlár anuas. Gheobhaidh tú admháil leictreonach go huathoibríoch. Ní ghlacfar le hiarratais tar éis an sprioc-ama agus is faoi na comhlachtaí iad féin atá sé a chinntiú go bhfuil na hiarratais faighte againn.

Má tá aon cheist maidir leis an bpróiseas leictreonach seachadta, cuir r-phost chuig Anna Marie Nic Dhonnacha - annamarie.nic.dhonnacha@tg4.ie

Má tá aon cheisteanna agat maidir le haon chuid den bhabhta seo, cuir r-phost chuig Máire Uí Choisdealbha maire.ui.choisdealbha@tg4.ie

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle praghais, ná le haon iarratas.

Beidh aon chonradh ag brath ar Theastas Imréitigh Cánach ó na Coimisinéirí Ioncaim.

An tAcht um Shaoráil Faisnéise: Cuirtear in iúl d'iarrthóirí gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar eolas íogair (más ann dó) agus an chúis gur eolas íogair é a chur in iúl. Ní féidir glacadh leis nach mbeidh dualgas ar TG4 eolas a eisiúint, fiú más dóigh leis an iarrthóir gur eolas íogair é agus go bhfuil sin curtha in iúl do TG4 aige.

Ní ann d'aon chineál ceangail – conartha nó aon chineál eile – go dtí go mbeidh conradh foirmiúil scríofa forghníofa ag nó thar ceann TG4.